

1298 Januar 23 Mainz.

[70]

Erzbischof Gerhard von Mainz weist dem Wildgrafen Gottfried bestimmte Einkünfte in Boppard an.

Nos Gerhardus, Dei gracia sancte Maguntine sedis archiepiscopus, sacri imperii per Germaniam archicancellarius, recognoscimus, tenore presencium publice profitentes, nos viro nobili Godefrido Comiti Silvestri, nostro consanguineo et castrensi in Beckelnheim, centum et quinquaginta marcas nomine castrensis feodi, item triginta marcas denariorum Coloniensium, tribus hallensibus pro denario quolibet computatis, pro non soluta hactenus pensione feodi supradicti, item sexaginta marcas eiusdem monete pro dampnis, que sustinuit in serviciis nostris et ecclesie Maguntine, liberaliter assignasse percipiendas in theloneo nostro Bopardiensi, cum primum a nobilibus viris Friderico de Lyingen et Georgio Irsuto comitibus perceptis inde debitis, quibus ipsis astringimur, idem theloneum fuerit absolutum; ita tamen quod idem Godefridus Comes Silvestris, mox cum ad perceptionem thelonei fuerit admittendus, valorem centum et quinquaginta marcarum monete predicte in bonis suis propriis liberis et solutis tenebitur assignare et recipere in castrense feodum a nobis, successoribus nostris et ecclesia Maguntina et ipse suique heredes post eum feodi capaces deservient fideliter ut castrenses. In cuius rei testimonium presentem litteram tradi fecimus sigilli nostri munimine roboratam. Datum Maguntie anno Domini M^oCC^oXCVIII, decimo Kl. Februarii.

Orig. Siegelrest; Kyrburg Nr. 273. — Unrichtiges Regest bei Goez a. a. D. IV, Nr. 2709; desgl. Regest Kurzgefaßte Geschichte 1769, S. 14.